



**ZAPISNIK O RADU 45. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 25.09.2023. GODINE**

Broj: 01-GV-02-1349/23
Sarajevo, 25.09.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Toni Vukadin, predsjedavajući Kluba gradskih vijećnika Naroda i Pravde
4. Vedad Deljković, predsjedavajući Kluba gradskih vijećnika „Deljković-Simonović“
5. Srđan Srđić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srđić“
6. Adi Škaljić, predsjedavajući Kluba gradskih vijećnika Naše stranke
7. Muamer Mekić, predsjedavajući Kluba gradskih vijećnika Socijaldemokratske partije BiH
8. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
9. Bajro Biber, predsjedavajući Kluba gradskih vijećnika „USD-BOSS“
10. Jasmin Skorupan, predsjedavajući Kluba gradskih vijećnika „Korora/Skorupan“
11. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
12. Samir Bejić, predsjedavajući Kluba gradskih vijećnika „Danijela Šahat–Samir Bejić“
13. Mila Eminović, sekretar Gradskog vijeća

Odsutan: Dragan Stevanović, zamjenik predsjedavajućeg Gradskog vijeća (najavljeno odsustvo)

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 10.10 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **većinom glasova**, izjasnivši se sa 11 glasova „za“ i dva „suzdržana“ glasa **je usvojio** Zapisnik o radu 44. sjednice Kolegija Gradskog vijeća, održane 05.09.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** dnevni red 45. sjednice Kolegija Gradskog vijeća, tako da glasi:

1. Utvrđivanje prijedloga kandidata za Drugostepenu žalbenu komisiju, umjesto člana koji je podnio ostavku
2. Predlaganje kandidata za članove „Odbora za dodjelu „Šestoaprilske nagrade Grada Sarajeva“ za 2024. godinu iz reda istaknutih javnih djelatnika
3. Tekuća pitanja



Ad1)

Utvrđivanje prijedloga kandidata za Drugostepenu žalbenu komisiju, umjesto člana koji je podnio ostavku

Jasmin Ademović, predsjedavajući Gradskog vijeća je upoznao članove Kolegija da je Kenan Mamić, član Drugostepene žalbene Komisije za 2023. godinu, koja je formirana u skladu sa članom 46. Etičkog kodeksa izabраниh i imenovanih funkcionera Grada Sarajeva, kao povremeno radno tijelo, podnio Gradskom vijeću Grada Sarajeva Zahtjev za razrješenje iz navedene komisije dana 11.09.2023. godine, radi sukoba interesa.

Informisao je članove Kolegija da je Kenan Mamić, u Komisiju, predložen od strane Kluba gradskih vijećnika „Korora/Skorupan“ te da je isti Klub podržao podnesenu ostavku i umjesto Kenana Mamića za članicu Komisije predložio Mirelu Carev.

Podsjetio je članove Kolegija da, u skladu sa Etičkim kodeksom izabраниh i imenovanih funkcionera Grada Sarajeva, Kolegij Gradskog vijeća, na osnovu ovih prijedloga, ostavke jednog člana i prijedloga Kluba gradskih vijećnika za drugog člana, utvrđuje kandidate i upućuje ih Komisiji za izbor i imenovanja.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

1. Kolegij Gradskog vijeća konstatuje da je primio k znanju ostavku koju je na članstvo u Drugostepenoj žalbenoj komisiji za 2023. godinu podnio Kenan Mamić.
2. Kolegij Gradskog vijeća, u skladu s prijedlogom Kluba gradskih vijećnika „Korora/Skorupan“, kandiduje Komisiji za izbor i imenovanja Gradskog vijeća Grada Sarajeva Mirelu Carev za novu članicu Drugostepene žalbene komisije za 2023. godinu, povremenog radnog tijela, a koja se formira u skladu sa Etičkim kodeksom izabраниh i imenovanih funkcionera Grada Sarajeva, umjesto dosadašnjeg člana Kenana Mamića.

Zatim je predložio da Komisija za izbor i imenovanja održi sjednicu u toku sutrašnjeg dana kako bi na vrijeme utvrdila Prijedlog Odluke o izmjeni Odluke o formiranju Drugostepene žalbene komisije za 2023. godinu. Ukoliko Komisija za izbor i imenovanja utvrdi Prijedlog Odluke, isti bi mogao biti predložen za razmatranje po hitnom postupku, na 31. sjednici Gradskog vijeća, koja će se održati 27.09.2023. godine.

Upoznao je članove Kolegija da je za utorak, u 13.00 sati, zakazana sjednica Komisije za Statut i akte kojoj bi se naknadno uputio i ovaj materijal radi davanja mišljenja.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

Sjednica Komisije za izbor i imenovanja će se održati u utorak 26.09.2023. godine u 8.30 sati, a poziv za sjednicu Komisije sa materijalima će se uputiti danas, nakon održane sjednice Kolegija Gradskog vijeća.

Jasmin Ademović, predsjedavajući Gradskog vijeća je podsjetio članove Kolegija da je član Komisije za ljudska prava i slobode Jasmin Šljivo podnio ostavku na članstvo u Komisiji, radi sukoba interesa, te da je Komisija za izbor i imenovanja utvrdila Prijedlog Odluke o razrješenju Jasmina Šljive iz Komisije za ljudska prava i slobode.

Pozvao je odgovarajuće klubove gradskih vijećnika da se usaglase i dostave prijedloge kandidata za novog člana Komisije za ljudska prava i slobode kako bi se i ova odluka što prije razmatrala na sjednici Gradskog vijeća.

Ad 2)

Predlaganje kandidata za članove „Odbora za dodjelu Šestoaprilske nagrade Grada Sarajeva“ za 2024. godinu iz reda istaknutih javnih djelatnika

Jasmin Ademović, predsjedavajući Gradskog vijeća je podsjetio članove Kolegija da je, u skladu sa članom 14. Odluke o uslovima i načinu dodjele „Šestoaprilske nagrade Grada Sarajeva“, potrebno da Kolegij Gradskog vijeća kandidira Komisiji za izbor i imenovanja Gradskog vijeća šest kandidata iz reda istaknutih javnih djelatnika za članove Odbora za dodjelu „Šestoaprilske nagrade Grada Sarajeva“ u 2024. godini iz oblasti: privrede, nauke i obrazovanja, kulture i umjetnosti, sporta, zdravstva i socijalne zaštite i drugih oblasti rada i stvaralaštva, za koje se nagrada dodjeljuje te je dao napomene slijedećeg sadržaja.

Članovi Odbora iz reda istaknutih javnih djelatnika mogu biti i raniji dobitnici „Šestoaprilske nagrade Grada Sarajeva“ te je potrebno osigurati i ravnomjernu zastupljenost oba spola. Također je potrebno voditi računa da kandidati ne budu u sukobu interesa.

Komisija za izbor i imenovanja utvrđuje Prijedlog Odluke o formiranju Odbora za dodjelu „Šestoaprilske nagrade Grada Sarajeva“ u 2024. godini i upućuje ga Gradskom vijeću na razmatranje i usvajanje. Bitno je da se, u skladu sa članom 14. Odluke o uslovima i načinu dodjele „Šestoaprilske nagrade Grada Sarajeva“, na 32. sjednici Gradskog vijeća donese Odluka o formiranju Odbora, kako bi Odbor mogao na vrijeme početi s radom.

Predložio je da se, ukoliko članovi Kolegija Gradskog vijeća nemaju pripremljene prijedloge za današnju sjednicu, do 46. sjednice Kolegija, koja će se održati početkom oktobra mjeseca, najvjerojatnije u utorak 03.10.2023. godine, dostave prijedlozi kandidata. Na toj sjednici bi Kolegij Gradskog vijeća predložio kandidate Komisiji za izbor i imenovanja koja bi utvrdila prijedlog koji bi se razmatrao na 32. sjednici Gradskog vijeća.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno je usvojio** sljedeći **zaključak**:

Klubovi gradskih vijećnika će najkasnije do četvrtka 28.09.2023. godine, na službenu e-mail adresu Gradskog vijeća: pisarnica@sarajevo.ba poslati prijedloge kandidata iz reda istaknutih javnih djelatnika za članove Odbora za za dodjelu „Šestoaprilske nagrade Grada Sarajeva“ u 2024. godini, te će uz prijedloge kandidate dostaviti i njihove biografije.

Ad 3)

Tekuća pitanja

Jasmin Ademović, predsjedavajući Gradskog vijeća je podsjetio članove Kolegija da je, u pripremi 31. sjednice Gradskog vijeća, podnio inicijativu da se ove godine sadržajnije organizuje obilježavanje 25. novembra - Dana državnosti Bosne i Hercegovine, a imajući uvidu da se obilježava 80. godina od sjednice ZAVNOBIH-a.

Jasmin Ademović, predsjedavajući Gradskog vijeća je informisao članove Kolegija da će se na, narednoj, 46. sjednici Kolegija razmatrati i utvrđivati Nacrt Programa rada Gradskog vijeća Grada Sarajeva za 2024. godinu.

Pozvao je članove Kolegija da daju primjedbe i prijedloge, prije upućivanja Nacrta Programa u javnu raspravu.

Član Kolegija Seid Škaljić je postavio pitanje sljedećeg sadržaja:

Na koji način je Gradska uprava donijela odluku o partnerstvu sa Intesa Sanpaolo Bankom BiH i M-BIKE shopom za subvencioniranje 73. građanina sa 100,00 KM za kupovinu bicikla s ciljem promocije biciklizma kao održivog načina mobilnosti.

Član Kolegija Seid Škaljić je zatražio da mu Gradonačelnica, do 31. sjednice Gradskog vijeća koja će se održati u srijedu 27.09. 2023. godine, dostavi odgovor na postavljeno pitanje.

Obzirom da pod ovom tačkom dnevnog reda nije bilo novih prijedloga za raspravu, **Jasmin Ademović, predsjedavajući Gradskog vijeća** je zaključio sjednicu Kolegija Gradskog vijeća u 10.25 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.